

詩

存

方人詩集取富者在唐惟香山長
慶集宋惟放翁劍南集皆手自編
訂其他多不過千數首少僅三四百首
貴取精不見少也惣憲金檜門先生
少博雅宦學吾郡汪丈鶴標郡中老
宿也居范湖稱藏書家予官翰林時

奉母假旋往復過後見先生於甥館每
出所為詩春容興衍有古作者風予一
見以國士遇之先生志心重予引為知己
歲丙辰恭逢

皇上御極元年海宇人文蒸、向風先生
以公車來京師首蒙

聖主特達之知，遠託擢第一松泉汪
文端時為同考，雅器重先生。後先生
每言師交中，交契最深者必舉松泉
与予尋入直，內廷同趨。

禁澗依

日月之光，鳴國家之盛，親近。

宸章耳濡目染作為詩歌和平大雅
宮商協應退食之暇朝夕討論汲古虛
受益自淬鍊收職屢遷而業亦傷上
屢典試事東歷泰山華不注之高南
踰江淮浮洞庭渡彭蠡窮三山五嶼
之奇每登臨題詠人爭傳誦得江山之

與居多先生為人醇古澹泊宋元人中尤
愛東坡梅溪遺山魯碩諸家故其所
作往、相近顧生平著作多不自收拾以
故散失不少丈夫子五皆能世其家學員
外忠澤、主事潔、徵拾遺、稿詩四百餘
首編為四卷請予名其集予以詩取是存

序三

而已一二首占千萬首無以異也先生造福
固卓々如是斯愛斯傳以視吉光片羽金
豹一斑不既多乎惜松泉墓有宿州友
見先生有子能存家集相与流連常慙
也目暇叙先生生平游歷虛懷切劘
致以爲後學趨向云

乾隆三十二年八月朔

香村同學弟錢陳羣拜題

此都御史金公檉門先生遺詩也乾隆丙寅初夏
士銓應童子試得受知於公即命束書肄業十七
年中或從游使車或依侍京邸昕夕承餐款者既
深且久故於公雅言緒論弁聞竊詳公寢饋經史
至孝弗倦斗室一燈丹黃典籍汲汲不及於世
人意想嗜好泊如也性樂在山水凡使節經過謀
區古蹟無寒暑雨雪必命駕登覽至則留連領挹
吟嘯久之而後去蓋天懷清曠如此先生之言曰
予四十後始刻素蒸什手錄漢魏唐宋人詩數尺

蒼萃研究貫穿裁擇者且十載於是豁然領悟古人詩法知所取舍大約墨守者多泥而窒澆遇者則肆而野自古作者本諸性識發為文章類皆自闢生面各不相襲變化神而於規矩之間使天下後世玩其渾淪可以知其襟懷品詣之所在人非言乃因之而不朽其斤斤於皮相派別者未嘗不雄視一時迨穀勢既盡羽翼漸衰不待攻擊而自歸澌滅亦可哀已今按先生詩自廢颺贈舍以及蘇物言情諸什無不掃除窠臼結構性真頓挫淋

滿直達所見出入韓杜種黃間警諸名將用兵推
旗鏘壘自立一軍而紀律森嚴皆暗合乎孫吳衛
霍之法世有知者定當心折也公自大魁通籍二
十有七年遭際

聖明任斯文衡尺者無虛歲雖未膺封疆民社之
寄而駒從所徑凡有闕大政者皆切實入
告為

上所嘉許得以施行蓋學具於心涵忠藎而經
世之略固端發見者又如此顧位臻亟相遽以勞

漳嬰疾而卒不竟所用朝野爭惋惜之云公歿後
七年公子紫梓公遺帙於秀州士銓敬述所聞見
綴於卷末俾後之尚論者資以考鏡焉戊子六月
門人鉛山蔣士銓再拜謹書

詩存總目

卷一

古今體詩一百二十五首

卷二

古今體詩一百七首

卷三

古今體詩八十二首

卷四

古今體詩八十七首

詩存卷一

仁和金

小清凉山房圖詩

山房在海澱樾樹街廟

文恭公休沐地也鄙人退直棲託其間雲壑
煙巒蔚然在望考圖經西山一名小清凉爰
取為名請張南華前輩寫其意而繫之詩

路出郊西近身依尺五天當年勞卜地遲我問流
泉散帙臨窗下羣峰隱几前
麟音門外絕兀坐意
悠然

文史充官事川巖奉宴居偶然騎款段是處看芙蓉
蕙靜與竹梧對涼生夜月初披衣緇未染真說愛
吾廬

少愜閑中願猶餘物外情山容多醞藉歲序易崢嶸
噤勛業知何與文章敢自名候蟲侵夜急暗使壯
心驚

三時長託迹來去分無違春淺柳迎馬霜寒葉打
衣圖成他日在屋老昔人非惟有槐陰翠年年蔭
板扉

戊午典試闈中出都作

雨散青郊綠意勻
駸駸行路不驚塵
騎驢大有衝泥客
擁傳應慙奉使臣
雲物新移都到眼
關山迢遞半知津
王程縱道風懷好
驛柳依依也動人

清江浦渡河

黃淮萬派納咽喉
竹落金隄役不休
自古河渠無上策
迄今廊廟尚殷憂
三農有粟全輸漕
四瀆唯江未合流
天為生民留澤國
莫言設險恃人謀

夜雨限韻

暗風吹潤入吳綾到夜還看雨勢仍錦障泥應停
遠騎玉蟲花自綴孤燈泠泠露瀉侵檐竹殷殷鐘
撩欲定僧敢說高歌驚杜老短笺題字我猶能

遊普覺寺四絕句

卧佛

歷劫鎮長眠拋却蓮花座笑爾四威儀不知行住
坐

古檜

霜皮左紐紋導客上雲根我是天隨子欲移雙作

門

娑羅樹

佛言敷震旦此樹與俱來至今驅惡鳥不近講經臺

退翁亭

孫侍郎承澤築

章皇乙未冬茲亭退翁築抽簪老尚強坐說滄桑錄

山房秋夜

夜涼長對短燈檠白露侵衣鶴警聲肯使持螯還

減興卻因見月易生情
風傳亂柝遙山應霜殺空
原萬木清賸有千秋糟粕在鬱蟠
胸次未能平

南苑大閱恭紀二首

東都大業紀車攻奮武修文道
本同吉日應占蒐
卒乘期門奉

詔集羆熊風雲四面儲胥合
日月中臨閣道通鵠
尾香飄徐按轡太平

天子統元戎

組練飛馳捷羽翰城南草淨列營寬
六師盡識尊

尊誼

萬乘親登將將壇鼓角濤喧驚野外旌旗雲合出
林端正當雪積霜凝候挾纒恩深士不寒

吳覲揚聽松圖

松翠連山翠山空聞妙音畫師曾獨往萬壑寄情
深客去何多日枝枯又幾尋與君黃海舊一等是
鄉心

題張鷺洲前輩秋湖采蓴圖送其出使臺灣
蓴羹原是君家物况在西湖百頃中千里驅車來

日下十年作宦負秋風波光漾漾明如畫星使駸
駸去若鴻虛過家鄉嘗不得此情與我昔時同

西苑春日呈同直諸公

鎮日追陪清闕地春隨人意日遲遲烟花遠作江
南思丹墨閒從硯北披列騎罷嘶歸怯薛長楊垂
影噪芻尼優游且免詞頭下宮漏潛催久不知

郊西柳枝詞八首

西直門邊柳萬枝含烟帶露拂旌旗長是

至尊臨幸地世間離別不曾知

麴塵夾路故依依寒食垂楊盡散絲
蹀躞馬蹄三十里東風狂殺羽林兒

鳳城隔斷山重重出郭準看蒼翠濃
苦被烟梢迷卻眼馬頭只露兩三峰

高梁橋上柳陰陰高梁橋下水深深
行人六月橋邊過何處清風最稱心

御溝婀娜自舒腰隔岸樓臺酒旆飄
浮萍一夜齊鋪綠襯出紅闌小板橋

玉泉山下是行宮龍爪雙槐色更濃
愛煞白龍終

日吼聲聲流出柳陰中

行到西堤影不分千條萬縷拂湖紋黃鶯宿處常
千轉白鷺飛過忽一羣

寶馬香車夾道迎踏青澆塚過清明夕陽冉冉人
歸去回首垂楊無限情

賦得草色遙看近卻無

烟光幾日散平蕪青入郊原色漸殊望裏似連春
浦遠藉時曾沒燒痕無斜陽影欲迷蝴蝶細雨聲
偏憶鷓鴣點綴南朝希範筆尋芳刻意轉模糊

辛酉典試江南出都呈李臨川先生四首

敢說掄材夙所諳銜

恩又命向江南此邦自昔為桑梓多士于今富杞

楠異數不教援例避

臣原籍休寧具摺迴避特旨不允

名儒

特許近臣參蟬聲驛路秋風裏回首西山翠黛含
諛材自愧嶺頭瀧派別煩公導大江齟齬早知尊
斗岱東南誰不望麾幢盡芟剽竊標流品莫使魁
閎滯冷囟得與執鞭傳盛事門生今伴使星雙

簪筆長年侍

玉墀無能昕夕數從師
竭來函丈樞衣地即在三
秋秉尺時鎖院松風分瀾茗
短亭烟柳度垂絲老
成公望今尤鮮警欬都成典故詞

愚衷仰荷

聖明知鄉里持衡世所稀
豈似東坡迷李薦願師
永叔變劉幾三場高下無姑息
千古文章有是非
得藉大賢為指迹搜羅庶免寸衷違

疊韻再呈臨川先生

斯文得失孰能諳且幸觀風有指南
荆石磨礮呈

白璧瓌林採斲露香楠清華今日人誰是典則前
賢舊可參騰躍百家都不怪經畬有味必中含

一勺涓涓赴急瀧鴻裁翻為瀉潘江襟期原似光
明錦道力彌堅精進幢差信無波同古井相隨譚
藝對秋窗遙憐雲網高張處國士能來許疊雙

北斗聲名達

赤墀昌黎端合抗顏師羣兒譽毀緣何事萬古江
河自有時皎皎極知心似雪番番莫道髻成絲要
當努力襄文治深厚丁寧感

訓詞

昔年對策舊蒙知親炙尤看古誼稀
夢寐尚能覘素履鬼神未許瞰先幾
一經指授周行在幾度商量舊學非
豈獨棘闈甘侍坐執經永久願無違

景州董子祠

漢氏尚儒術如公只一人書猶疑弟子道
豈合平津故里淼陂水清祠薦藻蘋
從知真學力千載後能伸

荏平懷古

一日逢明主千秋說馬周
鳶肩人或似封事古難
儔隋室潛身久何家應詔求
同朝名將相出處獨
君優

徐州懷古

帥五諸侯共滅秦英雄開關古無倫
漢營氣早成
天子垓下頭終德故人落日霸都濰
水壯東風姬
血草痕新天亡戰罪徒分別項伯功
封異姓親
秋濤怒卷古彭城太守臨隄版築成
猛士詩人樓
九日羽衣吹笛月三更曾吟大集淋
漓句今聽雙

洪斗落聲歎惜故山歸未得不勝風雨弟兄情
閉門寂寞陳無已文字南豐一瓣香不向蘇門作
賓客况從時相假衣裳士生貴富天常吝志在孤
清死不妨安得斯人式通俗洪河東下日湯湯

過符離作

行役古戰場其地名符離宋室南渡後十萬潰熊
羆孝宗憤前恥慷慨欲刷之忠義爭吐氣恢復此
一時有臣曰張浚歸然先朝遺開閩授旄鉞鷹揚
尚父師浚也不自量大任臣能為軍貴事權一兩

雄無俱棲顯忠與宏淵才氣匪等夷前軍頗猛銳
後隊方狐疑譬諸與人鬪自斷其左肢中原那得
到鳥獸分散歸崇朝敗報至舉朝相愕眙君以戰
為忤臣以和為宜沒世氣不復既往何能追試問
誤國者發縱指迹誰伊昔謀統制復斷寔忌飛王
酈弗相能瓊叛敵國資敗著終不悔依然覆危棋
趙氏疆圍弱如人元氣羸重以喪師困剝削付庸
醫始焉富平敗終焉符離虧生攻李綱相死借曲
端旗中興父老歎汴土陵廟哀嗚呼配諸葛後世

寧可欺

白溝河遼宋分疆地也

投鞭可斷險如何歲幣方輸又動戈誤國權閣通
鞭勒先朝將帥愧休哥燕雲長作王庭棄塘灤偏
容虜騎過紅袖白衣從北渡悠悠流恨舊分河

白露節抵臨淮連日熱甚

立秋已匝月天氣猶炎暑自北欲裝綿來南復絺
紵久客戀京華幾忘故風土帷綃薄如霧又聽飛
蚊語

廢營次王樓山前輩韻

牙旗玉帳羽書移，慷慨當年此駐師。
暗去劉鄩知幾日，來觀仲達任多時。
鳥飛不避寒轅氣，鉄在旋銷舊戟枝。
傳得國殤千古誦，猶煩詞客弔臨岐。

自九江往饒州阻風彭蠡五日禱於左蠡神祠次日挂帆而去用昌黎衡岳廟韻

行使止尼憑天公，十月泊舟彭蠡中。
風力拔湖湖水立，蒼崖搯束驚濤雄。
連維重碇猶簸盪，柁師屏息嗟途窮。
夙聞宮亭著幻異，扁舟來往能分風。
昌

黎衡岳詩篇在東坡海市心祈通陰霾氛霧一掃
淨俯仰宇宙開清空古今正直理不異潛孚默祝
高明融樞衣趨向山嶺拜巋然危峙神靈宮賈客
豚雞紛禱卜血腥染地流殷紅我焚素紙達誠意
幽明受職期和衷青袍白帽幾千士駐望旌節偵
微躬

王事敦迫歲行促托緣假道人情同獰飈騁烈五
晝夜數窮勢變宜有終計程直可半日達得濟豈
為一人功登舟愴恍不成寐坐待旭日升曠曠船

頭歛看旗尾轉打鼓戢戢帆向東

立秋後一日與同年曹冰持淨香齋言詩作
一瓣香何在清言至日曛未能師古義輕說張吾
軍揮霍君才別淄澠鄙性分清涼圖畫裏相對舊
烟雲

廢學吾所忌居官孰起予大都親卷牘少得近琴
書語久蘭風動秋新竹影疎不知門外客推測意
何如

劉表傳

苦費書詞譬二袁自家豚犬向誰言鹿門未達高
人肯何處荊州遺子孫

驗看歲貢生

念爾褒衣士來求本分官老猶誇體健貧共訴家
寒知足道無辱灰心事果難宮牆舊歲月幾作隔
生看

觀演康對山劇

閉戶風流自品題天教三絕共關西偶因良友迂
身救何意高名七子齊漢黨幸全思陳實晉卿請

免望祁奚暮年潦倒江南路濁酒新詞寫赫蹏

題王虛舟先生書後

牛角隨先兄執經供洒掃先生謂童子瞭然聰明
好京華繼覲面梁谿遂幽討得性最諧和終身無
懊惱擺落榮枯事人與書俱老夙昔歎高齋言宴
竟昏曉奉使再經過墓門閉春草二泉失寓公山
川色亦槁嗚呼篋中書子孫其永寶

游麻姑山

昭武三月試士畢太守導我訪麻姑茲山近郭十

里許瀑布勝絕如匡廬春雲滄滄春雨織纒于泥
潭煩輿徒谷口一徑何豁訝原中千畝皆膏腴山
巔地勢平於掌靈泉沾溉旱不枯青楓翠櫟聳蒼
蔚玉柱銀房半榛蕪當年鸞鶴翔何處松風吹落
空中竽客當憩息雨亦止會仙橋上開行厨泉聲
吼出坐席底倒濺飛沫沾盃盂滂然陡下一千尺
怒挾亂石羣龍趨頗疑古來忠烈士愛說妄誕驚
庸愚豈是神仙能狡獪終藉翰墨標名區到今遺
碣久磨滅片紙珍重如璠璣華岡幽邃弗及到走

趨原不利長裾欲作山林獨往客桐帽棕鞵稱野夫

遊麻姑山出谷未晡續作從姑之游

山小石勢奇甚

上垂下縮兩石對峙中有一線天

隔河遙見雙翠鬟臨風綽約矜容顏麻姑已到此
未到何不縹渺登其巔疑是當年次仲翮兩岸裂
墮中存天又疑仙人承露盤一葦裊裊當空懸廊
房嵌入巖下竇雨點不打僧檐端有時罡風一吹
動便欲搖曳隨雲烟橫看倒看皆窈窕絕頂拾級

難躋攀何當朗月清風際吹笛置酒招仙媛暝色
催歸興不足回顧秀黛猶娟娟

江西諸郡建昌府風景致為可愛

秋陰黯黯雨兼晴溯浪蒲帆六幅輕視學聲名慚
北地引人風物愛南城通嵐屋宇連田秀飲練虹
梁漾月明欲就仙源晞綠髮厭聞東海說塵生

九月中旬舟中翫月次張子暉韻

勞人長似魴尾赤思返深淵樂澄碧水白月夕得
安閒空明四野驅塵積眼看良友聚羊何遠見東

山吐圭璧輝輝雲外轉冰輪閃閃波心無轍跡宛
然墮入叵羅中銜杯兼吸團圞魄屈指歲月半江
湖筆牀茶竈浮家宅炎天苦熱冬苦寒唯有清秋
莫輕擲元譚對坐搖松毛蠻紙聯吟費標格禮數
豈為吾輩拘盃餐那異長者席探竒孟底一闍藏
角勝掌中五峰擘自哂主人涼德多同舟賓客皆
為敵或教三敗恥曹沫試與七擒輸孟獲載書百
卷酒百壺真作拍浮歡樂劇過此霜露沾衣襟縱
遇良夜堪惋惜願月無憾月長圓舉眼何必分青

白

造口懷古

惶恐灘頭波浪急，金師追後行將及。
太后福薄天猶憐，虎口幸離啜其泣。
父兄幽質五國城，臣構視之無重輕。
區區老婦虜何用，未必爭母如齊頃。
截江猛將氣如虎，兀術驚跳廟中鼓。
從茲天塹保東南，航海竒謨君莫取。
湖山錦繡宮殿開，問安迎使稠疊來。
手詔立帝德未報，願祝慈壽傾金罍。
朝廷貶去李伯紀，前此憂辱無言矣。
志士悲吟弔鷓鴣。

淚滴鬱孤臺下水

題吾汶稿

丞相不勸原必死先書祭文數十紙待得燕山齒
髮歸同心不愧同鄉里昔者宋玉師屈原莫能直
諫空招魂未知楚滅身何所千古但有風流存何
如廬陵王鼎翁恥作機雲作陳東心哀母老難許
國不然隨殉紫市中虔州之水洪州驛處處悲風
寒凜凜義士相望四百年歙州亦有江天一
道源書院贈南安游心水太守

孟後千餘載周子紹微言生知無師授獨臻閩與
全得二程子徒日月回中天南安雖僻郡司李栖
龍鸞大賢過化地飲水應尋源胡為過嶺士競慕
南華禪修途關易塞野火撲更然英哲尚迷方狂
騁如風顛太守篤經術仁讓變鷹鷄一綫扶正學
辛勤歷十年郡東峙佳嶺秀色羅雲烟翦除伽藍
宇改作禮義門堂中四粟主俎豆昭吉蠲民懷功
德在配以王伯安典型斯可仰百世興懦頑十室
有忠信入里必式焉寧謂四邑陋不堪與陶甄招

徠青衿子黌舍數十間擇師具饌稟珠璞成瓊璫
我來一登拜俯仰發清妍霏月光風境宛然落日
前君政異俗吏必以德教先邦人如鄒魯君名當
不刊

南康阻風遂作開先之遊僧隱樵出灌園圖
乞題

三月開先地菜花繞寺門山僧專靜寂物外有田
園近接銀河潤閑看土脉翻自然詩格好禪悅出
名言

為園誰似此託地得靈山小摘供盤饌芬辛亦解
頽春陰無過客梅落不開關誰識停帆者題詩一
往還

江州

吳楚中流第一城時危聞說最當兵即今膏澤淪
肌久猶見田園半郭平市井竹蘆編淺屋漁商燈
火亂初更何當匣卻雲端劍莫使嶙峋練影明

游九峰寺

略約度八九泉水流瑯淙一峯復一峰引入九峰

中石橋三澗合虛亭四面通老僧七十餘耳目殊
清聰徒衆自耕食山柴足野供水勢猶出谷僧杖
無移蹤笑語留貴客小住亦從容

獅子菴

茂竹掩行徑高柯早蟬鳴山僧閉關坐籬落犬有
聲客到剝啄響徐徐放軒楹清風時一吹衣袂皆
飄輕茶水自採汲此外何營營

東林寺

去郭三十里息駕廬山陰喬木標古剎言是東西

林遠師負高名影堂傳至今虎溪不數武一過何
容心士既志出世魚鳥同飛沉肯令軒冕輩車馬
來駸駸晉人惟好事縉流亦浸淫淵明不降志自
得絃外音慧遠弗之就反欲相逢迎我聞栗里石
雲深不可尋

題孟東野詩

東野琢肝腎字字含酸苦馬踏長安花得志日可
數金門挾策人豈乏東野侶千里萬里塗春寺秋
寺雨當路覽此編亦可生惻楚

七月十一日李家渡口月次蔣心餘韻

白露已降近中元李家渡口初泊船臨汝之水頗
清泚灘岸退出微渦圓平沙漠漠百頃濶乘興藉
草同張筵忙中光陰疾于鳥偷閑或者全吾天况
當明月三五近微雲點綴分外妍隔水峰巒隱復
現一片清氣相迴旋泠泠鐘出林外寺切切蛩響
叢中烟思携謝眺問天句可令妙境無詩傳人家
臺榭供賞眺徙倚局促分中邊滄浪亭子一拳秀
買之猶費四萬錢何似大涯殊曠絕揮手直拍洪

詩存

卷一

六

崖肩蔣生下筆妙天下萬馬喑避驂騑前虞機則
釋蝨可貫芒刃不頓牛無全定知將來玉堂裏衣
鉢嗣我歸金蓮老夫搜羅士如鯽得爾少雋喜成
顛時時推蓬發高唱往往清瑟鏗朱絃五字長城
勞堅築乃致公緒攻師偏吁嗟古道不可作六一
曾譽東坡仙絕塵逸足世罕覩嗜好異代知同然
涼露沾濕難久坐星斗旋轉都移躔明朝打鼓發
船去又墮人海趨城壩

謝文節祠

聽角寒雲擁麗譙信州剩土豈岿堯流離閩海盪
中蕨淒斷崖山笛裏潮舉國蟲沙齊變滅一門魂
魄各飄搖江南養士無廝養粒絕空腸氣不消
秦庭何處乞師奔趙氏真無尺地存痛哭心唯依
帝子薦賢人悞配王孫南陵風雨誰私祭北寺朝
昏亦餒魂寄語墨胎山下草經春莫發舊青痕
憫忠古寺弋陽溪兩地英靈問所之餓骨何心重
肖像丹楹一旦煥清祠孤生厄運離鄉久異代周
親聚首遲得遇

詩存

卷一

十九

聖朝容直道綱常百世與維持

丙寅五月御史沈
叔園詣于閔忠寺

專祠肖公像部議不允令弋陽
縣修葺祠宇附祀闕門忠烈

秋早點名偶筆

鵠立青袍候啟扉明星帶火照深闈五更枕上無
全夢一夕涼生乍授衣橐筆少年猶記憶開編細
字漸依稀故園多少芳菲樹比較來時大幾圍

疊韻二首答心餘

佳氣蔥蘢玉女扉豹關鰲禁肅重闈曾陪卿相分
蓮炬自到江湖念芟衣清月照來塵夢醒貴遊別

後尺書稀文章可是能華國孤負前山翠一圍
小院深深靜放扉良朋况復聚高闈豈同下客思
彈缺不是殊鄉易寄衣士念致身親未老名能流
後古猶稀梗楠自具干霄質莫等空山長櫟圍

舟中四疊前韻

三板輕舸繫短扉下簾風色類清闈白烟午出千
家市碧浪光搖半桁衣機事偶從碁局動征衫莫
使酒痕稀杜陵老去文心減思傍南山射虎圍

到建昌五疊韻

著色林巒映野扉又教使客赴秋闈欲携刺史龍
鸞筆來訪仙人錦繡衣近郭翠鬟當面亞避船白
鷺點波稀長虹廿四門如畫偃月中流上下圍

到建昌三首

晦日始解維秋氣方颯爽雖無明月輝頗見星斗
朗蒼然暮色圍人語隔烟響霖雨一愆期大河殊
不廣兩岸崖石高中流沙嶼長篙師苦厲揭方舟
礙來往意中餘幾里挽去僅尋丈不知坐客心厭
見塵務鞅小滯亦自佳風牀堪偃仰

千峰霧中過對面不知名但見疊羅列蒼蒼如翠
屏纔離內史宅漸到益王城雙髻從姑山婀娜先
有情人家夾溪居屋後阡陌橫嵐氣所蒸潤婦孺
皆聰明固宜此邦士文藝多著聲尤愛百尺梁藉
地同飛觥返櫂中秋後皓月風露清天緣倘莫吝
俗士寧與爭世間太白死亦有東坡生

使廨占崇岡結構殊帖妥不礙遐觀心芙蓉青朶
朶萬瓦鬱參差炊烟互封裹百雉墉居後三义路
在左窗外見行人夕陽冠駮駮草蟲靜夜鳴淒切

豈為我養此清慧機滅彼嗔熱火明月正當梧下
照蛉與羸

秋懷十首

蟲吟四壁靜月出衆山曉昏昏醉飽心到此咸了
了如何烈士懷立身苦不早名利日熏蒸老死未
聞道仰看浮雲除太空原自好卷中有清風萬古
開懷抱

松柏占陰崖不花亦不實泥中長茯苓千歲方採
掇結之良苦遲欲速恐為失秋亦滿庭前匝月忽

萎滅爾非松柏姿枉用怨霜雪

明燈可高張濁酒可重斟清飈方肅肅夜漏復沉沉
往昔賢千載上存言即存心突兀數點墨微茫留
至今駿死但求骨恐類書中蟬

昔者昌黎公古道傲無比俯視一世人郊賀反借
齒王伾叔文徒炙手薰帝里八司馬竒才趨驚如
流水劉柳本厚交獨自異塗軌身敗萬事裂悔心
洞骨髓老赴廷湊軍遠貶潮瀧鄙到今垂斗杓瞻
仰足猶跂假如一不慎千載事已矣香山名雞林

畢生樂恬醜文章或相輕志行毋乃似

春氣多蒨鬱秋山多刻露楓柏乍經霜點染成紅
樹夢裏故鄉山歷歷自來去客子達清晨欲返不
知路

百頃西湖水一尊若下春但趁風日美得意固無
倫人人慕張范功成待乞身信使兩念遂偏厚天
何親瑯琊邵曼容中品希斯人

一試卷盈千倦目時一瞪沙中勘真金棄去如破
甌古文倆規矩六義疎比興西江歐曾王先賢心

可證登高有人呼鳴鶴宜子應老夫殊灌灌聽者
無惜惜

平生嗜欲澹于書頗不廉苦恨筆力鈍透紙未能
銛陶謝李杜沒起之為我砭殘膏與賸馥猶令後
世露無成恐致笑金人口三緘

讀書師其意約取不貴多精銳堪陷陣烏合終倒
戈事取一不知百代須網羅但如腹背羽警策非
關他

古人去我久卷上存其詩胸中所欲言往往先道

言不
卷一
三
之觸目生與象體物肖妍媸我生非喑默雖拙寧
無辭今既異昨日明更非今時歎昔後來者遺之
將語誰

八月十七夜建昌萬年橋翫月

長橋壓通波勢比虬龍壯夙昔每過之抗懷思一
上東方月未升客子延首望須臾清輝滿金精水
氣王命携肴核登言諧共跌踢衆山忘醜妍遠近
似奔向潺湲細有聲沙石光蕩漾野外闐無鄰簫
疎清景曠時見負擔人樵蘇或來往

舟中

河勢餘千折連山合復開空濛帆影亂轉側日光
來默坐欲無語長遊不可回重陽今漸近何處一
登臺

遊青原山

坡陀相隱軫鬱鬱羅青原谷深氣象晦日色如不
暄後嶺擁重屏前岡迤短垣離立雙古檜虬枝向
空翻佛殿卓方池櫺檻窺泉源長魚潛若寐背麗
蒼苔痕僧徒數十衆聚處如孤村粥鼓一聲響炊

烟飛山根壁龕山谷字半缺不可捫後來陽明公
大書今尚存俯仰尋世事日月徒崩奔釋子具願
力能恢彼教門曹洞一滴水不離衆流渾遂令荆
棘地永仰龍象尊我于鞅掌暇暫爾適語言遊者
豈可數感此慚緇髮

九日

三度重陽節連年在吉州好山看不到小院試登
樓微雨含輕霧新霜冷暮秋一聲聞過雁今夕宿
何洲

我是皇華使寧歌道路難尚憐籬下菊此日屬誰
看迨爾生清興蕭然感候寒諸君同旅服各念故
鄉安

筠州與沈維涓太守小飲

微霰一以集蕭然庭不喧冗官思暇隙執手暫開
尊短日江湖迴臨風意氣存舊遊誰在眼毋厭到
黃昏

故人非俗吏相遇更殷勤政美清醇地根深爾雅
文一盃同念昔十日復離羣慷慨空江望陰雲莽

不分

與維涓及令弟受于飲碧落堂席間受于出
峴山讀書圖求詩

我昔登峴山空望讀書閣後來與子一握手燕市
轅馬分襟裾今來筠州碧落堂三人置酒同圍鑪
盱衡俯仰十餘載顏髮已變音猶初我共賢昆走
南北君亦飢驅萬里塗滇南曾弔西平沐儋耳復
訪眉山蘇孤羈落拓夢鄉井魂魄獨與相縈紆隨
身一束丹青在曾不三宿如浮屠君今年華匪少

壯六合內外皆遠廬登高攬秀會真態要與卷軸
無差殊目前此意即可圖匡牀竹几嵐氣俱瓶笙
風籟供朝晡老木落索啼飢鳥寒雲黯淡雪下無
潤巖皴壑青糊糝但欠碧浪鱗鱗湖

過新淦偶作

就義方正學先謀卓侍郎誰人發大難臨事避他
方主燼金川入臣寃鉄護傷只餘黃與練未許怨
文皇

康郎山功臣廟歌

紅羅真人起滌濠天弧墮地揚旌旄龍蟠虎踞定
南國削平僭亂如吹毛上游楚氛勢頗惡奮臂怒
比螳螂驕江漢竊據意未足騎鹿欲向西山邀南
昌堅城鉄作甕撼山有力空為勞金陵援師來颯
颯乘風颺謀臣猛將談六韜從以仙人周顛左右
舟中翺賊徒返旆出彭蠡扼吭不得通江潮罪貫
不盈勢不滅介恃戰艦匡廬高鯨鯢小捷遽得意
紀信出詐漢王跳遂令三十六將同戰死廟貌留
祀康山椒中央一人丁普郎齊雲拔舵如漁舫韓

成居左同列坐半褰赴水赭黃袍其餘面駢面塗
炭冒突烽焰頭毛焦別有三五少年白面帶微笑
甲冑踴躍輕波濤豈是鴟夷生去日塑工肖得窮
秋毫定應賊顛貫矢後英靈舞抃隱約來林臯惜
哉張定邊爾亦男兒曹天完逆將眼不擇猶奉餘
孽奔危巢竒材劍客悞荆楚百萬齊作跖犬嗥觸
骸鋪滿大湖底陰夜餒哭聲號咷寧知此廟三百
年春秋伐鼓牛羊牢古槐鬱鬱崇封褒曾護真主
驅鴟鴞枯株斲枿猶敬惜過客競奠香牲醪

廟前古槐

一株相傳明祖避難其下後錫封號迄嗚呼樹木
今行舟致禱枯幹架置廟中不敢私燬
尚如此英雄可不慎所遭湖波浩淼風蕭騷廟中
木主永勿桃金匱石室之史倘遺漏不妨搜討姓
字鏤刻蟠龍齋

次楊子載韻

子載名屋祖本四川世襲土司
於雍正五年徙插南昌入籍

猗飈初定共浮船知子于今已六年客土無依憐
志氣高樓獨上看雲烟平湖新漲連空岸鎖院懷
人類隔天時心餘寓居鄱陽許借西江為滌筆夢中篆籀
或驚眠

朱子六經圖碑

石刻在上
饒縣學

六經之書古尚缺六經之圖古更無聶氏有功著

三禮猶惜六經非全圖誰其縮之六片石刻鏤名

物窮錙銖

石六片
兩面刻

宗廟左右辨昭穆明堂頰會聯

冠裾徐揚雍冀列地軸烏火虛昴通天樞國有六

職工居一輿輪蓋軫多為車六律娶妻呂生子鐘

磬琴瑟篳篥竽瞭然一一指諸掌不比揣籥談空

虛古者左圖而右史形上形下貫精麤筭疏曲折

難盡曉了了壁上觀規模不見文翁石室像可證

詩存

卷一

天

跪坐非跏趺漢氏去古尚未遠辛勤補綴追厥初
詎因犧象劉沓說小失便訾北海誣紛紛末學講
元眇無根勦襲堪胡盧聖人象數蔑芻狗問及典
制徒睢盱一朝紫陽真儒出大含細入該無餘渺
然心通作述始置身三代窺唐虞我生識小尚不
足敢比豎亥周坤輿留之昭示千萬世何止聲價
歷東都

回南昌

歛露內山色迎人出樹端明知三日住亦作故鄉

看

吳城

地扼洪湖口商船集此灣孤亭帆障面三里市圍
山蛟蜃避英烈風雲通往還我來催解纜五老逗
蒼顏

渡彭蠡湖二首

湖神今助我舉帆入空天積水淼如此吾心亦浩
然雲藏青嶂杳雨洗白沙鮮點綴洪波外分明映

客船

詩存

卷一

无

掠水疾于燕樓船大幾何祇疑縮地近不覺挂帆
過戍角飄洲嶼神祠隱薜蘿吳城九十里隔絕午
烟多

三峽橋

地靈故顯異勿與懸瀑同轉雷深澗底磊落眠痴
龍水無一寸直石作千重壙遂令至剛物長受至
柔攻射之不可透激散乃飛空道邊蒼髯叟萬株
髮鬢鬆日光午不照谷陰風更雄松聲既如濤濤
勢復如松下上相震盪古佛耳亦聾子由三峽客

覩茲心猶忪况我東南人險絕何由逢

贈棲賢寺僧汝密

身似阿羅漢卅年住翠巖橋邊巾拂古室裏見聞
緘落澗驚龍象虛檐舞檜杉茶烟徐出院客到亦
非凡

萬杉寺

嵐氣陰陰日氣昏萬株竹柏不知門籬裏有僧窺
客到一聲鐘鼓動山根

李中主讀書臺

詩存

卷一

三

一鬼東都逃為僧檀來軍聲徹金陵定遷虛赫留
從效小朝王氣寒於冰白龍翠玉排雲霧猶是元
宗讀書處帝王金鑑辨賢奸悞學儒生理章句富
貴豈得兼煙霞萬金買地歸僧家烹茶掃葉遊人
弔千年山鬼挪揄笑

王文成紀功碑

寧藩亂氣方崢嶸不知上流有文成逆書達朝朝
士擾中樞端坐唯王瓊虎出捕鹿羆據穴一月遂
破南昌城葦中漁舟不可渡婦言弗聽涕縱橫濠

也猖獗果何濟天為孫許留忠名大賢指揮坐武
帳春風談笑携諸生自言勛業本餘事試手卻令
貔貅驚縱之復擒匪所難敢導天子為佳兵公族
行誅當慘怛臣子守職掃欃槍茲捷豈足擬中興
崖間頰刻浯溪銘得毋矜伐誚元凱山靈無罪顏
為黥當知明室勢外重干戈往往起宗盟前有漢
王繼安化爪牙護衛皆鯢鯨流傳庶足示炯戒一
寒逆膽消奸萌到今銀鉤鉄畫在光耀牛斗潛鼯
猩有人如此真豪英撫掌豎子真蚩氓胡不安樂

言不
卷一
三
效乃祖囊雲閑看廬山青

漱玉亭

海風吹不斷江月照還空瀑布挂山上謫仙語最
工及乎瀉地時子瞻極形容劈開青玉峽飛出兩
白龍天生一雙劍萬古摩青濛唯有二詩人浩氣
鬥清雄相戒後來士慎勿號寒蟲

遊廬山歸五絕句

北風留客落星灣雲壑風泉一日閑晚就水窗然
絳燭六人同坐話廬山

尚殘嵐潤在生衣隱隱泉聲隔翠微圖經一卷重
開看今日親從那處歸

野夫獻地自南唐儘有幽竒古未揚安得一枝筇
竹杖更搜雲霧叩天閭

聞說黃岡靖果園平生不踏異端門琳宮梵宇吾

何愛恐被山靈笑寡恩

靖名道謨辛丑進士主白
鹿洞教二載斥佛甚嚴

題句誰當第一流天生絕境恐難酬祇應誇向人
間說不負名山已四遊

九江使院西有八角石為元總管李忠文公

黼
墓余出入必式焉賦長句弔之

紅巾東下已臨江壯氣登陴控此邦市里今存八角石波心舊列七星椿天魔秘密猶酣舞首鼠紛披各竄降未廢科名收國士李齊余闕總無雙

丁卯八月閱心餘闡書和其闡中望月四絕
句

卷裏朝霞秀可餐崢嶸氣象掃郊寒知君早有凌雲興不作尋常月色看

才力班張孰禁當明年傾動集賢牆素心難得陳

無已長記南豐一辨香

歷歷仙官在五清雲端徑路覺分明姮娥有藥能
偷得管到層霄十二城

夜漏丁東出角樓萬人同聽倍驚秋碧空一片如
珪月誰解乘風共舉頭

主司錢集齋先生揭曉後偕同考登明遠樓
用韋左司郡齋讌集韻賦詩奉和

纔馥小山桂欲佩茱萸香登樓展眺望山澹水亦
涼棘闌度匝月秋氣去堂堂邁此執手樂且勿歌

太康夙昔陪京輦
昕夕永弗忘
誰知六年別
未共樽酒嘗
王事千里至
餘興發清章
一升崑崙顛
羣雅隨翱翔
公私兩俱適
寓日何洋洋
我雖局外客
亦弗分畛疆

集齋先生登明遠樓見士有不第者惻然動
念用山谷詠李伯時韓幹三馬韻成詩奉和
妙技爭誇和與垂闇中得失千鈞絲一朝榜發胡
自歎默默愧此三寸錐

聖朝選士命歐陸
冑暑六月鋒車馳
正當珠玉搜

仄陋肯以糠粃輕孤羈須知蕊榜有定命一士數
偶百士竒長途弗與整秋駕故里還復烹伏雌爾
方倚欄意何似公乍登樓遠見之文章公罷古自
反洗濯骨髓寧毛皮金針度處誰共喻馬首噪者
或無知如得其情矜勿喜公之衡文真士師

與錢坤一明經別十餘年今侍集齋先生來
江右承覲佳篇次韻奉答

使星光照孺亭墟不道長房隱在壺覲面乍過今
日望吟懷還似昔時無預憂期促催青舫暫喜齋

深繫白駒俯仰范湖同聽雨形容愧我已非夫

殷勤小坐泛深卮結習難忘在硯池共溯源流千

載事別裁金粉六朝詞羅將朴學隨前輩樂得新

交壯我師

謂心餘也

窗外芭蕉聲浙瀝此心留證幾人

知

九月十三日雨中邀坤一心餘遊百花洲同

限藏字山字韻二首

幾重亭館接秋塘卍字闌干亞字牆有客欲聽楓
葉下今朝兼帶雨聲涼朱樓明月唐人語菊徑松

關晉代香肯共避喧來永日芙蓉洲上任君藏
相逢那許惜酡顏勝地輕言往復還同是冥鴻飛
雪爪况看歸鷁賦刀鏤余任滿將旋京而集齊乞
假省墓與坤一同歸嘉禾
秋聲不放檐前樹露氣能沉水外山記向短牆留
醉墨他年側耳聽雙鬟

南昌舟次聞張雪子編修訃音

旅魂何處寄靈幢枉說衡文到錦江便一
一慟傾河瀉溜溼船窗